



Broj: 05/7-39-1-155-49/19

Sarajevo, 23. 5. 2019.

Z A P I S N I K

49. sjednice Vijeća nacionalnih manjina BiH, održane 23. 5. 2019.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Jakob Finci, Tihomir Knežiček, Davor Ebner, Dejan Piotrovski, Jovanka Manžalović-Šalaka, Velibor Kuvač, Dragan Marković, Todorka Jovanović, Silvija Vujović, Vjeročka Gajić, Eva Pašić-Juhas, Mladen Radmilović, Nedžad Jusić, Hakan Varan, Halil Bicaj i Marija Grbić.

Sjednici nije prisustvovala Tijana Vučurević.

Sjednici su, također, prisustvovali: Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama NVO, Aida Kreho, sekretarka Zajedničke komisije za ljudska prava, Branislava Vignjević, stručna savjetnica u Zajedničkoj komisiji za ljudska prava, i Anđelka Dobrilović-Rajak, stručna saradnica u Zajedničkoj komisiji za ljudska prava

Članovi Vijeća nacionalnih manjina BiH **jednoglasno** su usvojili sljedeći

D N E V N I R E D

1. Usvajanje Zapisnika 48. sjednice Vijeća nacionalnih manjina BiH;
2. Dogovor o izradi plana raspodjele finansijskih sredstava Vijeća nacionalnih manjina BiH za 2020. godinu;

3. Izvještaj o studijskoj posjeti Vijeću Evrope, Strazbur, Francuska;
4. Dogovor u vezi s posjetom gradu Trebinju planiranom za juni;
5. Tekuća pitanja.

Ad. 1. Usvajanje Zapisnika 48. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. Rasprave u vezi s ovom tačkom nije bilo. Članovi Vijeća **jednoglasno su usvojili** Zapisnik 48. sjednice Vijeća nacionalnih manjina BiH.

Ad. 2. Dogovor o izradi plana raspodjele finansijskih sredstava Vijeća nacionalnih manjina BiH za 2020. godinu

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi je učestvovao Nedžad Jusić.

Članovi Vijeća **jednoglasno su prihvatili** raspored troškova Vijeća nacionalnih manjina BiH za 2020. godinu. Plan raspodjele sačinjen je u skladu sa sredstvima dodijeljenim Odlukom o utvrđivanju troškova rada Vijeća nacionalnih manjina BiH, koju je donijela Zajednička komisija za administrativne poslove Parlamentarne skupštine BiH u iznosu od 31.000 KM, i to:

1. Putni troškovi u zemlji – 5.000 KM;
2. Putni troškovi u inozemstvu – 22.000 KM;
3. Reprezentacija – 1.000 KM;
4. Organizacija sastanaka, konferencija i tematskih sjednica – 3.000 KM.

Ad. 3. Izvještaj o studijskoj posjeti Vijeću Evrope, Strazbur, Francuska

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda, **te predložio da se u sklopu ove tačke razmotri i Informacija o studijskoj posjeti Berlinu članova Grupe za koordinaciju projekta Evropske unije i Vijeća Evrope za poboljšanje položaja pripadnika nacionalnih manjina u BiH.** U raspravi su učestvovali: Jakob Finci, Nedžad Jusić, Velibor Kuvač, Eva Pašić-Juhas, Jovanka Manžalović-Šalaka i Želimir Lalić, predstavnik Ministarstva za ljudska prava i izbjeglice BiH.

Vijeće nacionalnih manjina **jednoglasno je primilo k znanju** Informaciju o studijskoj posjeti Berlinu članova Grupe za koordinaciju projekta Evropske unije i Vijeća Evrope za

poboljšanje položaja pripadnika nacionalnih manjina u BiH, dok je za narednu sjednicu Vijeća odgođeno izjašnjavanje o Izvještaju o studijskoj posjeti Vijeću Evrope u Strazburu.

Također, nakon rasprave, članovi Vijeća su, sa **osam glasova „za“, sedam glasova „protiv“ i jednim glasom „suzdržan“, usvojili Odluku** da se uputi dopis Uredu Vijeća Evrope u Sarajevu te da zamole za pojašnjenje procedure za izbor jednog od tri predstavnika Vijeća nacionalnih manjina BiH u Grupi za koordinaciju nacionalnih manjina Projekta "Jačanje zaštite nacionalnih manjina u BiH" za učešće na završnom sastanku u Banjoj Luci, održanom 7. 5. 2019, s obzirom da Grupu za koordinaciju nacionalnih manjina u ime Vijeća čine tri člana Nedžad Jusić, Tihomir Knežiček i Jovanka Manžalović-Šalaka koji su ravnopravni u svom položaju, pravima i dužnosti, a učestvovao je samo jedan član Grupe Tihomir Knežiček.

Ad. 4. Dogovor u vezi s posjetom gradu Trebinju planiranom za juni

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Jakob Finci, Silvija Vučurević, Dragan Marković, Nedžad Jusić, Velibor Kuvač i Tihomir Knežiček.

Vijeće nacionalnih manjina BiH je, s **14 glasova „za“ i dva glasa „protiv“, usvojilo prijedlog da** Ured sekretara Zajedničke komisije za ljudska prava provjeri da li će se istovremeno kada je planirana posjeta gradu Trebinju moći održati radionicu s predstavnicima Mađara iz Republike Srbije, kao i da s članicom Vijeća Tijanom Vučurević provjeri da li može organizirati sastanke s udruženjima u Trebinju.

Ad. 5. Tekuća pitanja

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Jakob Finci, Silvija Vučurević, Dragan Marković, Nedžad Jusić, Velibor Kuvač i Tihomir Knežiček.

Vijeće nacionalnih manjina BiH je sa 14 glasova „za“ i dva glasa „protiv“ usvojilo prijedlog da Sekretarijat Zajedničke komisije za ljudska prava, **prije potencijalne organizacije posjete Trebinju, prethodno** provjeri da li će se istovremeno kada je planirana posjeta gradu Trebinju moći održati trening sa predstavnicima Mađara iz Republike Srbije, kao i da sa članicom Vijeća, Tijanom Vučurević provjeri da li može organizovati sastanke sa udruženjima u Trebinju.

U okviru ove tačke Eva Pašić-Juhas pozvala je članove Vijeća na manifestaciju „Minority“, dane nacionalnih manjina Kantona Sarajevo, koja će biti održana 27. 5. 2019. u 18 sati u Muzeju književnosti i pozorišne umjetnosti Bosne i Hercegovine (MAK)

Todorka Jovanović iznijela je primjedbu na termin održavanja sjednica sugerirajući da termin održavanja ne bude uvijek u 17 sati.

Zbog izuzetne podrške promociji rada Vijeća nacionalnih manjina BiH i unapređenju položaja pripadnika nacionalnih manjina u Bosni i Hercegovini, Dragan Marković, član Vijeća, uručio je zahvalnicu Želimiru Laliću, šefu Odsjeka za zaštitu prava i saradnju s nacionalnim i drugim manjinama, vjerskim zajednicama NVO.

Sjednica Vijeća nacionalnih manjina BiH završena je u 18 sati.

Sastavni dio Zapisnika je tonski snimak 49. sjednice Vijeća nacionalnih manjina BiH.

Stručna savjetnica

Branislava Vignjević

Predsjedavajući

Vijeća nacionalnih manjina BiH

Andrija Svatok